

ხელშეკრულება N (პროექტი)

სახელმწიფო შესყიდვის შესახებ

(ელექტრონული ტენდერი)

(NAT.....)

ქ.გარდაბანი

___ . __. 2024 წელი

შპს „გარდაბნის თბოსადგური“, შემდგომში „შემსყიდველი“, წარმოდგენილი მისი გენერალური დირექტორის _____ სახით და შპს „_____“ შემდგომში „მიმწოდებელი“, წარმოდგენილი მისი დირექტორის _____ სახით, ორივე ერთად წოდებულნი როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „ჟ“ ქვეპუნქტის საფუძველზე, ვდებთ ხელშეკრულებას:

1. გამოყენებული ტერმინების განმარტებები

- „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- „დღე“, „კვირა“, „თვე“ - კალენდარული დღე, კვირა, თვე.
- „შემსყიდველი“ - ორგანიზაცია, რომელიც ახორციელებს შესყიდვას.
- „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.
- „არასამუშაო დღე“ - შაბათი, კვირა და საქართველოს კანონმდებლობით განსაზღვრული უქმე დღეები.

2. ხელშეკრულების საგანი

- ხელშეკრულების საგანია ეკოლოგიურად სუფთა სასმელი წყლის (შემდგომში „საქონელი“) სახელმწიფო შესყიდვა ხელშეკრულებით გათვალისწინებული პირობების შესაბამისად (CPV41110000).
- „საქონლის“ დასახელება, მახასიათებლები, რაოდენობა და ფასი ერთეულის მიხედვით მოცემულია ხელშეკრულების დანართი N___-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- ხელშეკრულების ღირებულება შეადგენს: _____ (_____) ლარს დღგ-ს ჩათვლით.
- საქონლის ღირებულება მოიცავს როგორც მიწოდებული საქონლის ღირებულებას, ასევე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

- მიმწოდებელი ვალდებულია:
 - ა) უზრუნველყოს ხელშეკრულების მე-2 მუხლით განსაზღვრული საქონლის მიწოდება ეტაპობრივად, ხელშეკრულების ძალაში შესვლიდან _____ განმავლობაში, შემსყიდველის მოთხოვნის შესაბამისად, მოთხოვნიდან არაუგვიანეს 2 სამუშაო დღის ვადაში, შპს „გარდაბნის თბოსადგურში“ (მისამართი: ქ. გარდაბანი, დავით აღმაშენებლის ქ. N28);
 - ბ) ხელშეკრულების მოქმედების პერიოდში, დაამონტაჟოს და დროებით სარგებლობაში (უფასოდ) გადასცეს შემსყიდველს წყლის ჩამოსასხმელი არანაკლებ 16 აპარატი (დისპენსერები), რომელსაც უნდა გააჩნდეს არანაკლებ ორი მოწოდების ფუნქცია (ცივი და ცხელი) და რომელიც თავსებადი უნდა იყოს შემოთავაზებული სასმელი წყლის ბალონებთან;
 - გ) სასმელი წყლის მიმწოდებელი დისპენსერების მიწოდება (უსასყიდლოდ, დროებით სარგებლობაში) უნდა განახორციელოს ხელშეკრულების გაფორმებიდან არაუგვიანეს 2 (ორი) კალენდარული დღის ვადაში;
 - დ) უზრუნველყოს მის მიერ დამონტაჟებული აპარატის (დისპენსერების) გამართული მუშაობა;
 - ე) საკუთარი ხარჯებით განახორციელოს პროდუქციის ჩატვირთვა, მიწოდება, გადმოტვირთვა;
 - ვ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
 - ზ) ხელი შეუწყოს შემსყიდველს ინსპექტირების განხორციელებაში.
 - თ) განახორციელოს ამ ხელშეკრულებით მასზე დაკისრებული სხვა ვალდებულებები.
- შემსყიდველი ვალდებულია:
 - ა) წყლის ყოველი ახალი ბალონის მიწოდებისას დაუბრუნოს „მიმწოდებელს“ მოხმარებული წყლის ცარიელი --- ლიტრიანი ბალონები/ავზები, რომლებსაც შემსყიდველი გადასცემს ხელშეკრულების მე-4 მუხლის პირველი პუნქტის „ა“ ქვეპუნქტში მითითებულ მისამართზე;
 - ბ) მიიღოს და გამოიყენოს გადაცემული დისპენსერი და ბალონები მხოლოდ ხელშეკრულებით განსაზღვრული დანიშნულებით, არ გადასცეს სხვა პირს და დაუბრუნოს ისინი მიმწოდებელს შემდგომი გამოყენებისათვის ვარგის მდგომარეობაში.
 - გ) ხელშეკრულების შეწყვეტის შემთხვევაში დაუყოვნებლივ დაუბრუნოს მიმწოდებელს დისპენსერები და ბალონები.

დ) აუნაზღაუროს მიმწოდებელს შესაბამისი ზიანი თუ დაკარგა ბალონი/დისპენსერი ან მოხდა მათი დაზიანება შენახვის და ექსპლოატაციის წესების დაუცველობით, ან გარეგანი ზემოქმედების შედეგად (ბუნებრივი ცვთის გარდა).

ე) განახორციელოს ამ ხელშეკრულებით მასზე დაკისრებული სხვა ვალდებულებები.

ვ) უზრუნველყოს ანგარიშსწორება ხელშეკრულებით გათვალისწინებული პირობებით და ოდენობით.

ზ) შემსყიდველს არ იღებს ვალდებულებას უზრუნველყოს რაოდენობის სრული ათვისება ხელშეკრულების მოქმედების განმავლობაში;

3. ინვენტარის გადაცემასთან დაკავშირებული პირობები

ა) ინვენტარის (დისპენსერი, ბალონი) გადაცემა და დაბრუნება აღირიცხება ტარის ფურცელში, რომელიც წარმოადგენს მხარეთა შორის გაფორმებულ მიღება-ჩაბარების აქტს.

5. ხარისხი და გარანტია

1. მიწოდებული საქონლის ხარისხი უნდა შეესაბამებოდეს დადგენილ სტანდარტებს (ასეთის არსებობის შემთხვევაში) და დანართი N_ში მითითებულ მონაცემებს, მიწოდებული საქონელი უნდა იყოს ახალი, ნივთობრივად და უფლებრივად უნაკლო.

2. საქონლის მიწოდებისას საქონლის ვარგისიანობის ვადა უნდა იყოს არანაკლებ მისი ვარგისიანობის მთლიანი ვადის 70%-ისა;

6. ხელშეკრულების შესრულების კონტროლი

1. შემსყიდველის მიერ ხელშეკრულების შესრულების კონტროლი განხორციელდება, როგორც საქონლის მიწოდების დროს, ისე ამ ხელშეკრულების მოქმედების პერიოდში შემსყიდველის მოთხოვნათა შესაბამისად.

2. ხელშეკრულების პირობების შესრულების კონტროლს განახორციელებენ შემსყიდველის მიერ განსაზღვრული პირი ან/და პირთა ჯგუფი, ან კონკრეტულ შემთხვევებში მხარეთა შეთანხმებით შესაძლებელია მოწვეულ იქნეს სპეციალური ცოდნის მქონე სპეციალისტი (ექსპერტი).

3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება უხარისხო საქონელი, მიმწოდებელი ვალდებულია 5 (ხუთი) სამუშაო დღის ვადაში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება, დაუბრუნოს შემსყიდველს აღნიშნული საქონლის ღირებულება.

7. მიღება-ჩაბარების წესი

1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით.

2. საქონლის მიღებას აწარმოებს: _____ .

8. ანგარიშსწორება

1. ანგარიშსწორება განხორციელდება შემდეგი პირობებით:

ა) ანგარიშსწორება წარმოებს ლარში, ხელშეკრულებაში მითითებული მიმწოდებლის საბანკო რეკვიზიტების შესაბამისად.

2. შემსყიდველი ვალდებულია გადაუხადოს მიმწოდებელს ფაქტობრივად მიწოდებული საქონლის ღირებულება მიღება-ჩაბარების აქტის გაფორმებიდან და დადასტურებული საგადასახადო ანგარიშ-ფაქტურის წარმოდგენიდან (კანონმდებლობით გათვალისწინებულ შემთხვევებში) 10 (ათი) სამუშაო დღის განმავლობაში. თუ ანგარიშსწორების დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

1. ხელშეკრულების მე-4 მუხლის პირველი პუნქტის „ა“ და „გ“ ქვეპუნქტებით და მე-6 მუხლის მე-3 პუნქტით გათვალისწინებული ვადების გადაცილების შემთხვევაში, მიმწოდებელს ეკისრება პირგასამტეხლო შესაბამისად ყოველ გადაგადაცილებულ დღეზე ხელშეკრულების საერთო ღირებულების 0.1%-ის ოდენობით.

2. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

3. ხელშეკრულების მე-14 მუხლის მე-2 პუნქტის „ა“, „ბ“ და „გ“ ქვეპუნქტებით გათვალისწინებული შემთხვევების დადგომისას შემსყიდველი უფლებამოსილია ამოქმედოს ხელშეკრულების მე-10 მუხლის მე-3 პუნქტის 3.1 ქვეპუნქტი, ხოლო, ხელშეკრულების მოქმედების ვადის გასვლის შემთხვევაში ხელშეკრულების მე-10 მუხლის მე-3 პუნქტის 3.2 ქვეპუნქტით განსაზღვრული საჯარიმო სანქციები:

3.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის, ნაწილობრივი შესრულების ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო ხელშეკრულების ღირებულების 10%-ის ოდენობით.

3.2. იმ შემთხვევაში, თუ ხელშეკრულების მოქმედების ვადის გასვლის შემდეგ, მიმწოდებლის მიერ ხელშეკრულებით ნაკისრი ვალდებულებები შეუსრულებელია, შემსყიდველს უფლება აქვს, დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით.

4. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

5. შემსყიდველი უფლებამოსილია უარი განაცხადოს უხარისხო ან ინსპექტირების ჯგუფის მიერ დაწუნებული საქონლის მიღებაზე.

11. ხელშეკრულებაში ცვლილებების შეტანა

1. ნებისმიერი ცვლილება ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

12. ხელშეკრულების შესრულების შეუძლებლობა

1. ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი);

2. ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა;

3. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით;

4. მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე

13. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

2. თუ ასეთი მოლაპარაკების დაწყებიდან 14 (თოთხმეტი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

14. ხელშეკრულების შეწყვეტა

1. მხარეებს შეუძლიათ ურთიერთშეთანხმებით შეწყვიტონ ხელშეკრულება მისი მოქმედების ნებისმიერ ეტაპზე.

2. მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინებით, იმ შემთხვევაში თუ:

ა) მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.

ბ) ხელშეკრულების ერთ-ერთი მხარე სისტემატიურად არღვევს ხელშეკრულების პირობებს;

გ) საქართველოს სამოქალაქო კოდექსის 398-ე მუხლით გათვალისწინებულ შემთხვევაში.

15. ხელშეკრულების მოქმედების ვადა

1. ხელშეკრულება ძალაში შედის, ხელშეკრულების ორმხრივად ხელმოწერის დღიდან და მოქმედებს 20__ წლის ____ ჩათვლით.

2. წინამდებარე ხელშეკრულების შესაბამისი მუხლები ძალაში რჩება მხარეთა მიერ ნაკისრი ვალდებულებების სრულ ამოწურვამდე.

16. სხვა პირობები

1. ხელშეკრულებაზე თანდართული დანართი N__ წარმოადგენს ხელშეკრულების განუყოფელ ნაწილს და განიხილება მასთან მთლიანობაში.

17. მხარეთა რეკვიზიტები:

შემსყიდველი

მიმწოდებელი

შპს გარდაბნის თბოსადგური

შპს _____

მის. ქ. გარდაბანი, დავით აღმაშენებლის 2ბ

მისამართი: _____

ს/კ: 404428071

საბანკო რეკვიზიტები: _____

ტელ: 995 32 299-1201

სკ-_____